

Հաստատում եմ՝
ՀՀ ԳԱԱ Փիլիսոփայության, սոցիոլոգիայի
և իրավունքի ինստիտուտի տնօրեն,
իրավաբանական գիտությունների թեկնածու՝
Լ. Ա. Ղազանչյան



Կարծիք

Առաջատար կազմակերպության
Ըյաբովա Տատյանա Վլադիմիրի

«Սահմանադրական արդարադատությունը որպես քաղաքացիների
ազատությունների դատական պաշտպանության արդյունավետության
բարձրացման միջոց /Ռուսաստանի Դաշնության և Հայաստանի
Հանրապետության օրինակով/ թեմայով ԺԲ .00.02 - Հանրային իրավունք-
Սահմանադրական, Վարչական, Ֆինանսական, Սունիցիպալ,
Բնապահպանական, Եվրոպական իրավունք, պետական կառավարում»
մասնագիտությամբ գիտությունների թեկնածուի գիտական աստիճանի
համար ներկայացված ատենախոսության վերաբերյալ

Գրախոսվող թեկնածուական ատենախոսությունը նվիրված է մարդու
իրավունքների և ազատությունների պաշտպանության սահմանադրական
արդարադատության խնդիրներին՝ Ռուսաստանի Դաշնության և Հայաստանի
Հանրապետության օրենսդրության և պրակտիկայի համատեքստում:

Հենց սկզբից նշենք, որ ցանկացած աշխատության հաջողությունը
մեծամասամբ պայմանավորված է նրա ճիշտ կառուցվածքով: Այս առումով նկատենք՝
որ գրախոսվող աշխատանքն ունի կուռ տրամաբանական կառուցվածք՝
ներածություն, երեք գլուխ, որոնք ներառում են ութ ենթագլուխ, ամփոփում և
օգտագործված գրականության ցանկ:

Ներածական մասում հեղինակը հիմնավորում է թեմայի հետազոտության արդականությունը, ներկայացնում է թեմայի ուսումնասիրության վիճակը, գիտական նորույթը, պաշտպանությանը ներկայացվող դրվյթները, հետազոտության տեսական և կիրառական նշանակությունը:

Աշխատանքի առաջին գլխում հեղինակը հանգամանորեն քննարկում է քաղաքացիների իրավունքների և ազատությունների դատական պաշտպանության տեսական և պատմական հիմունքները՝ Ռուսաստանի Դաշնությունում և Հայաստանի Հանրապետությունում:

Աշխատանքի երկրորդ գլխում հեղինակը իրավահամեմատական մեթոդի շնորհիվ բացահայտում է քաղաքացիների իրավունքների և ազատությունների դատական պաշտպանության առանձնահատկությունները Ռուսաստանի Դաշնությունում և Հայաստանի Հանրապետությունում:

Աշխատանքի երրորդ գլխում հեղինակը լուսաբանում է քաղաքացիների իրավունքների և ազատությունների արդյունավետ պաշտպանության հիմնահարցերը սահմանադրական արդարադատության ոլորտում:

Ամփոփման մեջ հետազոտության արդյունքների հիման վրա հեղինակը ձևավորել է իր եզրահանգումները և հետևությունները, որոնք ունեն տեսական և գործնական նշանակություն:

Անհրաժեշտ է նշել, որ հեղինակը պատշաճ գիտական խորությամբ է ուսումնասիրել թեմային վերաբերող մասնագիտական գրականությունը և նորմատիվ նյութը, ինչը ապահովվել է աշխատանքի օբեկտիվությունը և ստացված արդյունքների հիմնավորվածությունը:

Ընդհանուր առմամբ դրական գնահատելով գրախոսվող աշխատանքը, ունենք որոշակի նկատառումներ, որոնք հանգում են հետևյալին.

Առաջին՝ հետազոտության թեմայի վերաբերյալ բուն հիմնախնդիրը, ըստ էության, քննարկված է աշխատանքի 3-րդ գլխում, այսինքն՝ քննարկվող թեմայի հարցերը ուղղակիորեն լուսաբանված են աշխատանքի 1/3-րդ մասով, իսկ 2/3-րդը ընդհանուր դատողություններ են մարդու իրավունքների դատական պաշտպանության մասին: Չնայած, որ 2-րդ գլխում ընդհանուր գծերով խոսվում է նաև սահմանադրական արդարադատության մասին:

Երկրորդ՝ քանի որ հետազոտության թեման Ռուսաստանի Դաշնությունում և Հայաստանի Հանրապետությունում քաղաքացիների իրավունքների պաշտպանության և սահմանադրական արդարադատության արդյունավետ մեխանիզմների ապահովումն է, ապա ենթադրվում էր իրավահամեմատական վերլուծություն կատարել այդ ոլորտում առկա խնդիրների վերաբերյալ, ցույց տալ դրական և բացասական կողմերը և հանգել կոնկրետ առաջարկությունների:

Մինչդեռ հեղինակը պարզապես նկարագրում է իրերի վիճակը ՌԴ-ում և ՀՀ-ում և դրանով ավարտված համարում իր առաքելությունը:

Երրորդ՝ հայկական մասով խիստ սակավաթիվ են կոնկրետ պրակտիկ օրինակները, այդ թվում ժամանակակից իրավակիրառ պրակտիկայի նյութերը:

Սակայն նշված նկատառումները կրում են մասնակի բնույթ և բնավ չեն կարող ազդել ատենախոսական աշխատանքի դրական գնահատականի վրա:

Ատենախոսությունը և սեղմագիրը պատրաստված են ներկայացված պահանջներին համապատասխան, իսկ հեղինակի կողմից հրատարակած գիտական հոդվածներում լիարժեքորեն արտացոլված են ատենախոսության հիմնական դրույթները:

Հետազոտության թեման և բովանդակությունը համապատասխանում են ընտրված մասնագիտությանը:

Հետևություն՝ Բյաբովա Տատյանա Վլադիմիրի <<Սահմանադրական արդարադատությունը որպես քաղաքացիների ազատությունների դատական պաշտպանության առդյունաբերության բարձրագույն միջոց /Ռուսաստանի Դաշնության և Հայաստանի Հանրապետության օրինակով/>> թեմայով ատենախոսությունը իրենից ներկայացնում է արդիական, գիտական նորույթ պարունակող, տեսական և գործնական նշանակություն ունեցող ավարտուն և ամբողջական ուսումնասիրություն, որը ներառում է սահմանադրական իրավունքի օրենսդրության և պրակտիկայի համար էական նշանակություն ունեցող հիմնախնդիրների վերաբերյալ գիտականորեն հիմնավորված մոտեցումներ և լուծումներ: Իսկ հետազոտության արդյունքները սահմանադրական իրավունքի տեսանկյունից ունեն զգալի տեսական և գործնական նշանակություն:

Վերոշարադրյալը հիմք է տալիս եզրակացնելու, որ Բյաբովա Տատյանա Վլադիմիրի <<Սահմանադրական արդարադատությունը որպես քաղաքացիների ազատությունների դատական պաշտպանության արդյունավետության բարձրացման

միջոց /Ռուսաստանի Դաշնության և Հայաստանի Հանրապետության օրինակով/
թեմայով ատենախոսությունը լիովին համապատասխանում է ՀՀ-ի գիտական
աստիճանաշնորհման կանոնակարգով սահմանված պահանջներին, իսկ հեղինակն
արժանի է ԺԲ.00.02 «Հանրային իրավունք >> մասնագիտությամբ իրավաբանական
գիտությունների թեկնածուի գիտական աստիճանի շնորհմանը:

Ատենախոսությունը քննարկվել է ՀՀ ԳԱԱ Փիլիսոփայության, սոցիոլոգիայի և
իրավունքի ինստիտուտի պետաիրավական հետազոտությունների բաժնի 2020 թ-ի
հոկտեմբերի 13-ի նիստում, որին մասնակցել են բաժնի վարիչ իրավաբանական
գիտությունների դոկտոր, պրոֆեսոր Հ.Ս.Ստեփանյանը, գլխավոր գիտաշխատող,
իրավաբանական գիտությունների դոկտոր, պրոֆեսոր Գ.Զ.Սաֆարյանը, ավագ
գիտաշխատողներ, իրավաբանական գիտությունների թեկնածուներ Ա.Վ.
Շուրբուրյանը, Ա.Ա.Աբրահամյանը, Բ.Վ.Ղազիկյանը և Լ.Ա. Ղազանյանը:

ՀՀ ԳԱԱ Փիլիսոփայության, սոցիոլոգիայի
և իրավունքի ինստիտուտի պետաիրավական
հետազոտությունների բաժնի վարիչ,
իրավաբանական գիտությունների դոկտոր, պրոֆեսոր



Հ. Ս. Ստեփանյան